

UNNI VAI, PUISIA

Vulissi ...
quannu vieni
pittiggnola ca mi cièrchi
ca mi pigghi... puisia
accuòmu scrivu
muddhichi ri silenziu
ntê rrica ...rucizzi ca m'ammiènti... i to palori
sti cuccidha
ntê jòla... 'nfuti ri la menti
r'amici... ri la gghènti
a-ppugnidha - iu siminaturi - siminari.
E quannu nta-ll'unna
r'oru ri spichi...lucènti ri sulì
cciu aruci
mititùri iu cantu
'n còru a-ll'antu è a to vuci ...ammàlia cori.

Putissi ...
unni vai, pillirina, cu ti senti
com'appigghia
stizzi...luciti nta-ll'uocci...la to rrima
comu sapi
ranatu ... cuccidha ri rienti ca si rapi
simpatia.

E ammecci...facci 'nzìpiti
fumu
e a li vòti su' ffilècci
pizzuti...ri lingua
ca pèrciunu u cori
scippunu ri l'armu l'ali.

Vulissi ... armenu putissi
sta vuci
macàri senza rrima
ascidhu ntê vanèdhi " Avièmu...
amici...avièmu a simenza "
e cciu-fforti - iu vanniatùri - ntâ ciàzza ê quatthru venta:
" avièmu a puisia... cu vo' cumprà...gghènti... avièmu...uu...."